

NTŠHA SA MAFAHLENG A GAGO!

BOIPILETŠO BJA GORE SETŠHABA SE ROMELE DITSWHAYATSHWAO

Komiti yeo e Hlaotšwego ya Kgwebo le Intasteri, Tlhabollo ya Ekonomi, Tlhabollo ya Dikgwebopotlana, tša Boeti, Mešomo le Thwalo e laletša batšeakaro le batho bao ba nago le kgahlego goe ba romele ditšhišinyo tšeo di ngwadilweg ka Melaokakanywa ye mebedi: Molaokakanywaphetošo wa Tšhireletšo ya Badiragatši [B 24D – 2016] le Molaokakanywaphetošo wa Khophiraete [B 13D – 2017]

MOLAOKAKANYWAPHETOŠO WA TŠHIRELETŠO YA BADIRAGATŠI [B 24D – 2016]

Maikemišetšo a Molaokakanywa ke go fetša Molao wa Tšhireletšo ya Badiragatši wa 1967, gore go tsenywe, go be go tlošwe ditlhathollo tše dingwe goba di emelwe ke tše dingwe; gore badiragatši ba fiwe ditokelo tša ekonomi; go katološa ditokelo tša setho go badiragatši bao ba swaraganego le diswantšho tša go bonwa le go theetšwa; gore go be le phetišetšo ya ditokelo moo modiragatši a fago tumelelo ya tiragatšo; gore go be le tšhireletšo ya ditokelo tša batšweletši ba go rekhota modumo; go katološa ditšhitišo ka tšhomišo ya ditiragatšo; go katološa phethagatšo ya ditšhitišo go tšhomišo ya ditiragatšo tša diswantšho tša go bonwa le go theetšwa; gore royalithi goba putseletšo ka tekatekano di lefelwe ge tiragatšo e rekišitšwe goba e rentišitšwe; gore go be le go rekhotwa le go begwa ga ditiro tše dingwe le gore go be le ditatofatšo mabapi le taba ye; go katološa tšeo di sa angwego tša tšhitišo ya diswantšho tša go bonwa le go theetšwa gammogo le go rekhotwa ga modumo, go akaretšwa tšeo di sa angwego ke Molao wa Khophiraete 1978; gore Tona a hlatholle mabaka a kgapeletšo ao a dumelelwago, gore modiragatši a fe tumelelo ka tlase ga Molao wo; gore go be le ka moo go swaraganwago le maitshwaro ao a sa dumelelwago le tšeo di sa akaretšwego mabapi le matsapa a tšhireletšo ya theknolotši le taolo ya tshedimošo ka go latelana; gore go be le ditatofatšo le dikotlo tša go tšwelapele; gore ditlhathollo tše dingwe di engwe ke tše dingwe legato; gore go be le dikabelo tša gare ga lebaka la diphetogo; le go swaragana le merero ya go sepelelana le yona.

MOLAOKAKANYWAPHETOŠO WA KHOPHIRAETE [B 13D – 2017]

Maikemišetšo a Molaokakanywa ke go fetša Molao wa Khophiraete wa 1978, gore mantšu a mangwe le ditlathollo tše dingwe di hlathollwe; go dumelela ditšhitišo tša go tšwela pele le tše di sa amegego mabapi le tšweletšoleswa ya mešomo ya khophiraete; go fa sebaka sa gore go abelanwe diroyalithi tša mešomo ya khophiraete; gore go be le tefelo ya diroyalithi mabapi le mešomo ya dingwalwa, mmimo, bokgabo le tša go bonwa le go theetšwa; gore go be le ditokelo tša diroyalithi tša thekišoleswa; gore go be le go rekhotwa le go begwa ga ditiro tše dingwe; gore go be le bolaodi bja ditšhaba tše di dirago kgoboketšo; gore go be le mokgwa woo diphapano di rarollwago ka gona; gore batho bao ba sa itekanelago mmeleng ba fihlele mešomo ya khophiraete; gore mešomo ya bana ba ditšhiwana e fiwe dilaesentshe; go maatlafatša maatla le mešomo ya Bonamodi bja Khophiraete; go swaragana le maitshwaro ao a sa dumelelwego mabapi le matsapa a tšhireletšo ya theknolotši; go swaragana le maitshwaro ao a sa dumelelwego mabapi le taolo ya tshedimošo ya khophiraete; gore go be le tšhireletšo ya ditokelo tša titšithale; go fa sebaka sa go swaragana le ditatofatšo tše dingwe tše diswa; le go swaragana le merero ya go sepelelana le yona.

Dinyakišišo gammogo le ditšhišinyo tše di ngwadilwego di ka romelwa go Komiti yeo e Hlaotšwego ya Kgwebo le Intasteri, Tlhabollo ya Ekonomi, Tlhabollo ya Dikgwebopotlana, tša Boeti, Mešomo le Thwalo, di ngwalwe gore di amogelwe ke Mdi Noziphiwo Dinizulu, imeileng ya ndinizulu@parliament.gov.za goba Mdi Mahdiah Koff go mkoff@parliament.gov.za. Go tlaleletša ditshwayatshwao tše di ngwadilwego, le kgopelwa go laetša ge e le gore le tlo bolela pele ga Komiti ka molomo wa go ja bogobe.

Letšatši la mafelelo la go romela ditšhišinyo tše di ngwadilwego ke mafelelo a letšatši la mošomo ka Labohlano la 27 Janaware 2023.

Dikhophi ka Melaokakanywa di ka kgopelwa ka go leletša Mdi Noziphiwo Dinizulu mogala go sele ya: 083 709 8393 goba Mdi Mahdiah Koff go sele ya: 083 709 8527 goba tša hwetšagala ka seelektroniki weposaeteng ya Palamente (www.parliament.gov.za).

Taletšo e tla ka:

Mna Mandla Isaac Rayi, LP

Modulasetulo wa Komiti yeo e Hlaotšwego ya Kgwebo le Intasteri, Tlhabollo ya Ekonomi, Tlhabollo ya Dikgwebopotlana, tša Boeti, Mešomo le Thwalo.
